



## **TOSHKENT DAVLAT YURIDIK UNIVERSITETI REKTORINING B U Y R U G ' I**

31.01.2024

51-tm-son

### **Talabalarga ijtimoiy ta'minot pullarini va o'quv adabiyotlarini xarid qilish uchun mablag' ajratish to'g'risida**

O'zbekiston Respublikasi Vazirlar Mahkamasining 2020-yil 21-noyabrdagi "Yetim bolalar va ota-onasining yoki boshqa qonuniy vakillarining qaramog'idan mahrum bo'lgan bolalarning ijtimoiy himoyasini yanada kuchaytirish chora-tadbirlari to'g'risida" 739-son qarori, O'zbekiston Respublikasi ta'lim tashkilotlariga qabul qilish bo'yicha davlat komissiyasining 2023-yil 4-dekabr kunidagi 70-17-son majlis bayonida belgilangan vazifalar ijrosini ta'minlash, Toshkent davlat yuridik universitetida tahsil olayotgan yetim bolalar va ota-onasining yoki boshqa qonuniy vakillarining qaramog'idan mahrum bo'lgan talabalarning ijtimoiy himoyasini yanada kuchaytirish, ular uchun zarur shart-sharoitlar yaratish hamda Toshkent davlat yuridik universitetida talabalarga pul nafaqalari hamda oziq-ovqat mahsulotlari, kiyim-bosh, poyabzal va boshqa buyumlar, shuningdek, transportda yurish kartochkalari hamda bitiruv nafaqasini berish yuzasidan murojaatlarni o'rganish bo'yicha doimiy faoliyat yurituvchi Ijtimoiy ta'minot bo'yicha ishchi guruh yig'ilishining 2024-yil 19-yanvardagi 3-son yig'ilish bayoniga muvofiq,

### **BUYURAMAN:**

1. Toshkent davlat yuridik universiteti (bundan buyon matnda – universitet) talabalariga pul nafaqalari hamda oziq-ovqat mahsulotlari, kiyim-bosh, poyabzal va boshqa buyumlar, shuningdek, transportda yurish kartochkalari hamda bitiruv nafaqasini berish yuzasidan murojaatlarni o'rganish bo'yicha doimiy faoliyat yurituvchi Ijtimoiy ta'minot bo'yicha ishchi guruh (bundan buyon matnda – ishchi guruh) yig'ilishining 2024-yil 19-yanvardagi 3-son yig'ilish bayoni ma'lumot va ijro uchun qabul qilinsin.

2. Ishchi guruh bayoniga muvofiq 13 nafar talabalarga Ijtimoiy ta'minot pullari hamda 39 nafar talabaga o'quv, ilmiy va badiiy adabiyotlar (kitoblar) xarid qilish uchun mablag'lar ajratish belgilanganligi inobatga olinsin.

3. Quyidagilar:

Ijtimoiy ta'minot pullari 2024-yil yanvar oyidan boshlab butun o'qishi

davomida oyma-oy to'lab beriladigan talabalar ro'yxati 1-ilovaga muvofiq;

2023/2024-o'quv yili uchun o'quv, ilmiy va badiiy adabiyotlar (kitoblar) xarid qilish uchun mablag'lar ajratiladigan talabalar ro'yxati 2-ilovaga muvofiq tasdiqlansin.

4. Ijtimoiy ta'minot pullari hamda o'quv, ilmiy va badiiy adabiyotlar (kitoblar) xarid qilish uchun mablag'lar ajratilgan talabalarning hujjatlarini saqlash va Arxivga topshirishga Ommaviy huquq fakulteti dekaning yoshlar masalalari va ma'naviy-ma'rifiy ishlar bo'yicha o'rinbosari (A.Kushmatov) mas'ul ekanligi belgilab o'tilsin.

5. Buxgalteriya (M.Parpiyev) ilovalardagi ro'yxatda nomlari ko'rsatilgan talabalarga Davlat budjeti mablag'lari hisobidan o'rnatilgan tartibda Ijtimoiy ta'minot pullari hamda O'quv, ilmiy va badiiy adabiyotlar (kitoblar) xarid qilish uchun mablag'larni to'lab berilishini ta'minlasin.

6. Prorektor (A.Xashimhonov):

belgilangan miqdordagi pul mablag'larini yuqorida nomlari ko'rsatilgan talabalarga o'z vaqtida taqdim etilishini nazorat qilsin;

Ma'naviyat va ma'rifat markazi (Sh.Po'lotov) hamda fakultet dekanlari tomonidan talabalarga ko'proq huquqshunoslik yo'nalishidagi o'quv va ilmiy adabiyotlar, O'zbekiston Respublikasi kodekslari, kodekslarga sharhlar, talabalarning intellektual salohiyatlarini oshirishga va mushohada qilishga xizmat qiladigan detektiv yo'nalishdagi badiiy adabiyotlarni xarid qilish bo'yicha tushuntirish ishlarini olib borilishini nazorat qilsin;

talabalarga adabiyotlarni xarid qilish jarayoni ular hamda O'zbekiston yoshlar ittifoqining Toshkent davlat yuridik universitetidagi boshlang'ich tashkiloti Yoshlar yetakchisi U.Sobirov va Talabalar assosiatsiyasi prezidenti M.Ismoilov bilan birgalikda amalga oshirilishiga e'tibor qaratsin.

7. Fakultet dekanlari:

ta'lim tashkilotlariga qabul qilish bo'yicha davlat komissiyasining 2023-yil 4-dekabrda 70-17-son majlis bayoniga muvofiq universitetga o'qishga qabul qilingan talabalarni universitet hayotiga moslashishlari, munosib ta'lim va tarbiya olishlari uchun zarur sharoitlar yaratish choralarini ko'rsin;

ushbu talabalarni universitet professor-o'qituvchilari va xodimlarga biriktirish, ularga malakali kadrlar sifatida shakllanishlari uchun sharoit yaratsin;

mazkur talabalar talabalar safidan chetlashtirilganda yoki boshqa hollarda ta'minot pullarini to'xtatish bo'yicha bildirgi kiritish choralarini ko'rsin.

8. Ushbu buyruq ijro nazorati birinchi prorektor A.Xashimhonov va prorektor A.Iminovlar zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Direktor

SH.PO‘LOTOV



## **Kelishildi:**

Yoshlar masalalari va ma‘naviy-  
ma‘rifiy ishlar bo‘yicha birinchi  
prorektor

A.XASHIMHONOV



Moliya-iqtisod ishlar bo‘yicha  
prorektor

A.IMINOV



Bosh buxgalter

M.PARPIYEV



Katta yuriskonsult

A.TURSUNOV



Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo‘lgan)

SH.SAYDULLAYEV



Dekan (Fan nomzodi yoki falsafa  
doktori (Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo‘lgan)

D.KAMALOVA



Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo‘lgan)

B.MUSAYEV



YOshlar masalalari va ma‘naviy-  
ma‘rifiy ishlar bo‘yicha dekan  
o‘rinbosari

SH.BOBODO‘STOV

